

管才

邱須集

陶春圃
管才

黎獻
臣

經北草堂印須集初刻

陶春圃詩

歲暮憶黃海樓

曉聞啼鳥歡春意著何處梅花破紅萼寒氣頗難禦積
雪明窗曦微風動庭樹之子期不來銜杯獨延伫

鄆城道中作

出門倏五日頗覺行役苦敝車涉長塗坐臥難自主遙
睇遠人村一末眠豆圃鳴嬉青柳塘雀入碧榆塢老農
睡未醒輕風盪禾黍東南起片雲奄忽化成雨宸地若
江河征衣溼如許衣溼何足惜居民少完戶如何高枝

蟬默默不聞語

春日詠懷二首之一

旭出耀高林
栖禽翼初展
意欲冲天飛
層層隔雲巘
志士苦夜寒
達官忘春暖
草木有衰榮
日月常虧滿
未知今年春天意
可能轉

夏日自遣

旭出天無雲
薰風解我愠
昨宵露華濃
草木豐且潤
如何蓬華士
坐視歲華迅
造化本無私
窮居應命琴樽
生逸情
水山發清韻
倦臥聆蟬鳴
行吟矚花孕
卽此亦足怡
何必更求勝
青青古澗松
落落荒園薺
稟受固有

殊榮悴亦時運日長何所欣攬鏡看吾鬢

雜詠三首之一

結廬在蘇門種桑兼種竹秋冬培護深春至滿園綠忽
患二豎侵奴僕嬾而木怡然斗室中稱心願易足老年
惡夜長起坐待天旭瞥見紙窗明竊喜羣兒讀

長夜偶作

昔聖戒晝寢朽木固難爲余年踰五旬精力誠乃疲仙
佛非吾願公卿不可期一官守固窮鬱鬱有誰知披襟
憩北牖酷日將南移清風如美人裊裊來故遲仰視悠
悠雲變幻多新奇此中苟無繫觸物有餘思至理本無

窮得悟心自怡謬言耽安逸多被時人嗤

雪窗懷紫涵海樓

晨起北窗冷忽憶淇泉友矮屋一燈紅檐下梅開否潛
鱗匿寒潭倦翮息枯柳明朝歲已闌默默各垂首胡勿
冒風雪酌我枸杞酒一醉共陶然夢到無何有

自遣

一雨洗郊原衆綠豐且稠其中有桃李質艷而性柔苦
在春風中榮悴非自由豈能類松栢堅貞無匹儔理達
消逆懷運乖戒強謀君子貴有道困阨非所憂蟋蟀鳴
一室晨風千里遊物性各有殊吾老將焉求

題鄭蒙泉看劍圖

華煥久不作龍泉忽飛去至今延平津時激風雷怒鄭
莊豪俠人肝胆醉常吐灑酒酹青萍彼美幾回顧重寶
當潛形精光號輕露用之非其時恐爲用者誤利器豈
久藏終有知音遇天下方滔滔拯溺誰爭赴何當斬鯨
鯢一洗蚩尤霧常令宇宙新還鑄農人具

詠貧士七首和靖節公原韵

松柏有勁節肯與桃李依堅貞耐霜雪何必爭春暉盤
根一千載上有孤雲飛飛飛無定體去去何時歸野田
飽鶩鴨樹下鸞鶴飢一唳聞九霄屈鬱傷悲

朔風淒且厲颯颯逼寒軒出門事不遂歸去無田園晨
興曝北牖羨彼東鄰烟有子頗耽學經史時時研強作
乞米書舉筆多拙言願爾學原憲達爲伊呂賢

朝餐忽不繼鬻我焦尾琴誰謂子期死天下無知音志
士多困阨昔賢難追尋知衣茅屋下得酒聊自斟一醉
唱高言今人孰相欽至樂在倫常貧豈撓我心

安貧自有樂奚必歎黔婁遺子各一經斯願吾能酬同
室數十人飽食多難周宛在春風中藹然不知憂昔有
陋巷士特立無匹儔榮華偶然耳非分無妄求

養晦蓬華下猶防異患干宦海多風波況居卑位官作

糜和藜藿飢者易爲餐一身難自保妄憂天下寒擁褐
罷盥沐攬鏡非塵顏入室聆書聲地偏常掩關

清吟常抱邾兩髭如飛蓬困窮今若此學詩猶未工英
初入仕願學渤海龔忽忽廿五年宦情非昔同屢空
何足歎志不在窮通家風溯五柳舍近將焉從

境可怡悅何必厯九州鳶飛與魚躍萬物皆同儔
潏潏崑崙水直下東海流人生非金石肯爲飢寒憂
好友不期至舉杯各獻酬及時且行樂莫負前生脩

徑北草堂印須集初刻

黎獻臣詩

箴甫三兄將赴河朔軍次卽事言懷雜述四章並
無詮次閱者知爲骨肉之別也

去冬永城來投兄大梁住阿嫂爲我炊每食酒漿具兄
與對床眠門前冰雪匝布被有奇溫此意姜肱悟逆溯
廿年餘骨月幾團聚少孤悲風木中摧痛荆樹茫茫形
弔影衰薄傷門祚青氈戀故物先集抱託素

先七世祖
魏曾公著

有託素齋集
收入四庫

飄霑述祖德何年期誓墓

亂離生事難漂泊無定舍傭食聊依人八口寄許下相

如徒壁立杜陵困寒餓歲暮不懷慙展轉憂終夜婦病
昨書來甌空無貸借稚子未讀書八歲猶惡卧阿虎強
解事眼前差慰藉兒女漸長成中年逼婚嫁

憶昔弱冠前蓄志難爲小軒軒氣凌雲奮翼攬八表獵
第取功名何者爲美好孰意閔凶遘繼萎北堂草麻衣
淚積霰終天悔懷抱棘闥再蹉跌此意竟潦倒心浮計
轉粗妻孥不自保卅年坐無成口食累兄嫂何術鑄黃
金愁思令人老

手攜五絃琴目送雙雁行聞唱從軍樂長跪進一觴兄
今河朔去結束繡襦褙馬上雕鞍轡腰間寶劍芒從征

節度府草檄生風霜談笑邊塵靖曳落安能當此別勿
戀戀報國在疆場有弟不能從七尺空昂藏行矣祝努
力笳鼓待歸裝

大梁雜感

孤墦平懸郭危樓上切雲誰過朱亥市復祀信陵君北
檄傳雞羽南天阻雁羣杞憂吾曷敢時事未應聞

河朔方羣盜傳聞已近畿將軍煩廟算 聖主日宵衣
曲逆空奇計司徒未合圍監軍貂珥遍新出羽林旂
蘆水傳幽咽津門失齒脣驕兵疎指臂主將復因循宵
臥猶堅壁知機孰徒薪浹旬無邸報消息轉愁真

屢下勤王

詔諸軍自養癰犒師刼行旅積庾困輸供

張鑑接何後思明計易窮空傳裘帶畧息甲久山東
將冗成名易恩寬受病深煙氛何莽蒼霧雨且侵淫
監子憂方大畸人蹟湯尋何時開笑口城郭避塵簪

遣興

坐置幼安榻簪加郭泰巾卧櫪如病衲瘦石宛風人自
在嘗新酒無緣對惡賓城頭山色好雨沐翠嶙峋

又

不住槐陰趁午堂簾波曳地捲猶妨綠浮雪乳茶甌漱
黃展琉璃笛簟凉客少清流誰語共蟬如得意自鳴長

故人札到偏相慰詢我南皮樂未央

蘇門行贈張用之刺史

君不見蘇門秀出太行麓百丈珠簾挂飛瀑又不見神
仙詭世孫公和讀易翛然時嘯詒當時竹林賢阮籍愛
遊名山訪遯迹醉後阮音叶鳳鸞狂來眼底分青白吾
友張子今嗣宗滑稽玩世將無同一枝筇竹雨芒屨蘇
門絕頂凌剛風俯視下界雲泱泱直作天際真人想大
隱名賢今無有廿年我亦嬰塵鞅平生夢想蘇門山俗
緣咫尺艱躋攀聞君洗耳百泉側枕流琴筑相潺湲歸
來示我大行詠眼底哭兀峯巒淨一氣元音接混茫山

靈顙首如相迎媿我昔年嘗北游
羣哉大雪犯貂裘何
似名游登挹翠樓
山川圖畫掌中收

陳橋

向晚鳴蟬夾路嘶錦鳩呼雨過前堤
溼雲已見收虹影
淺水纔能飲馬蹏
滿眼農桑兵過踐
幾家柳店客投棲
我來立馬陳橋驛
弔古多成感慨題

封邱

細雨曉濛濛泥塗擲掉中
寨荒農罷集城小樹遮
出
展行沽酒停車仁出籠
不須頻問俗禾黍見滋豐

秋意

如意十分少安心百慮空
嬾名緣睡得詩思藉愁工
白鳥撲蕉帳青蟲拖蠓宮
晚涼何處好秋意在梧桐

九日偕楊虞裳登吹臺

嶽氣河聲接檻來遙凭秋色一銜盃
平臺會散當年客公讌人思一代才
世治交游名自貴塗窮懷抱向誰開
憑君莫灑登高淚斯地重陽得幾回

哥贈楊虞裳孝廉卽送之還蜀

君家錦江我淮水相望迢迢數千里
河漢參辰耿不聞乃今相識大梁市
才子貌都鳳毛異眼中屑去金篦利
疑是瑤光第七星視君不敢低頭對
赭白馬輝慘綠裳

孝廉船趁未還鄉新詩一出傾都下衆口爭傳下第楊
懷刺未投翻入雒帛古聞鵲淒不樂艮嶽煙銷花石空
汴宮衰草秋聲作相從更陟梁王臺不見翩翩文雅才
馬卿倦游空作賦蓬池客散賸銜盃金風飄衣一迴首
過烏流光復何有聞君海上逢花朝何意嵩高作重九
手摘若木華佩我茱萸囊袖中有滄海煥爛朝霞光題
贈畫圖太行雪謠聲穿雲金石裂獻賦長楊偶見遺知
君原是金閨籍蜀中山水天下奇曷不歸去尋峨眉太
白白稱隴西裔杜陵迺關浣花谿我亦鬱鬱久居此十
丈黃塵蔽眸子安得從君劍閣行乞取新詩繼蠶尾